



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«19» օգոստոս 2022թ.

ք. Երևան, Ս. Դավթի 87Ա

ՈՐՈՇՈՒՄ N 35-Ա ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Գևորգ Վարդանի Վարդանյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 32193/2021/ԿՈՒՎԿ/Ա արձանագրության /կցվում է/ ֆիզիկական անձ Գևորգ Վարդանի Վարդանյանի (Հասցե՝ Կոտայքի մարզ, Նոր Հաճն, Չարենցի փողոց, 15-2, ՀՎՀՀ՝ 43151984, ՀԾՀ՝ 3009901178, անձնագիր՝ AH0332059) չկատարված հարկային պարտավորությունը 17.06.2021թ. դրությամբ կազմել է 191,866 դրամ, որից հարկ՝ 164,100 դրամ, տույժ՝ 27,766 դրամ, որը հաշվարկվել է ֆիզիկական անձի կողմից 2019թ. ընթացքում թվով 7 տրանսպորտային միջոցներ օտարելու արդյունքում՝ ՀՀ հարկային Օրենսգրքի (այսուհետ Օրենսգրք) 147-րդ հոդվածի 1-ին մասի 16-րդ կետի «ա» ենթակետով սահմանված կարգով:

Վերոնշյալ պարտավորությունը գանձելու վերաբերյալ 13.01.2022 թվականին կայացվել է թիվ 35-Ա որոշումը:

Հաշվի առնելով 16.05.2022 թվականի ՀՏՈՎ վարչությունից ստացված թիվ Ն/71-4/84028-2022 գրությունն առ այն, որ Գևորգ Վարդանի Վարդանյանի կողմից 17.01.2022 թվականին ներկայացված 2019 թվականի եկամտային հարկի և սոցիալական վճարի տարեկան հաշվարկը վերաբերվում է թիվ 32193/2021/ԿՈՒՎԿ/Ա արձանագրությամբ նշված գործարքին, ուստի առկա են բավարար հիմքեր թիվ 32193/2021/ԿՈՒՎԿ/Ա արձանագրության հիման վրա կայացված թիվ 35-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

ՈՐՈՇԵՑԻ

Ֆիզիկական անձ Գևորգ Վարդանի Վարդանյանի վերաբերյալ ՀՀ ՊԵԿ իրավաբանական վարչության պետի կողմից 13.01.2022 թ. կայացված թիվ 35-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Սեդա Ասատրյան
հեռ.՝ 010-309-191 (9155)

(Handwritten signature)



ԱՐԽԱՆ ՄՆԱՑԱԿԱՆՅԱՆ